

## Pregunta di **reflexion y discusion** pa compaña e buki ***Den kibra di marduga*** di Desiree Correa:

1. Kico e expresion 'den kibra di marduga' ta nifica? Dicon bo ta kere cu e autor a scoge esaki como titulo?
2. Bo por pensa riba un otro titulo pa e buki aki?
3. *Prome cu tormenta tin kietud*. E uzo di idioma aki ta duna nos un idea caba di e cosnan pisa cu ta bay tuma luga. Kico of ken ta e 'tormenta' den e storia aki?
4. Dicon bo ta kere Elgin tabata sinti cada nervio den su curpa?
5. Ken ta e ruman mayo? Con bo sa esey?
6. Cua di e 3 rumannan ta purba mantene paz den cas?
7. Como e ruman mas chikito - y kisas esun mas vulnerabel - Alan ta wonder si ta parcialmente pa su via cu e tata ta asina! E ta pensa cu kisas e tata mester di mas amor of comprension di parti di su casa y su yiunan ... y cu ta p'esey e ta bebe y bira violento. Bo ta di acuerdo cu e pensamiento aki? Dicon si, of dicon no? Dicon bo ta kere Alan ta sinti manera el a haci algo fout?
8. Ki característica bo por menciona di e tata cu ta muestra cu e ta machista?
9. Dicon e tata no por a wanta un trabou mas cu tres luna?
10. Kico Cedric a bet cu su amigonan? Kico bo opinion ta di esaki?
11. Pakico bo ta kere cu Elgin kier join un gang?
12. Alan ta considera Sharon su bon amiga. Bo ta haya cu e ta un bon amiga di berdad? Splica dicon si, of dicon no.
13. Dicon bo ta pensa cu e mama ta sconde e situacion na cas?
14. Kico tabata e ultimo gota cu a pone e mama dicidi porfin di trece un cambio den e situacion na cas?
15. Kico bo opinion ta di e 'twist' na final di e storia?
16. Comparti bo sintimentonan y pensamentonan despues di lesa e poema y e 3 cartanan na final di e buki.
17. Ta e mama so mester di ayudo den e caso aki? Cua instancia of persona profesional abo lo yama banda di *Fundacion Contra Violencia Relacional* pa yuda e famia of miembro(nan) di famia?